



Te Poutāhū
Curriculum Centre

Ko te Literacy and Numeracy i te NCEA

He aratohu mā ngā ākonga me ngā whānau 2024-2027



**Te Tāhuhu o
te Mātauranga**
Ministry of Education

**Te Kāwanatanga
o Aotearoa**
New Zealand Government

He wāhanga matua te reo matatini me te pāngarau nō ngā āhuatanga o ia rā, nō te mahi, nō te ao mātauranga hoki.

Ko te reo matatini te mārama ki te pānui,
ki te tuhituhi, ki te reo hoki me ōna tini
tūmomo.

Ko te pāngarau te mārama ki te
pāngarau me te tauanga, ko te
whakamahi hoki i aua māramatanga.

HEI TAUIRA:



I ngā mahi, ka inea ana he
mea, e whakamahia ana ngā
pūkenga pāngarau.



Ka pānuitia ana, ka
whakakīa ana hoki he
puka, e whakamahia
ana ngā pūkenga reo
matatini.



Ka hoko taonga mai ana, ka
pānuitia ana ngā tohu, ka mahi
ana rānei te tangata me te
moni, e whakamahia ana ngā
pūkenga reo matatini me ngā
pūkenga pāngarau.




Whakamahia ai te reo matatini me te pāngarau i roto i ngā wāhanga ako katoa o te NCEA

He reo matatini...



I te Pāngarau me te Tauanga, i te wā e whiriwhiria ana ngā pakitau, e whakamāramahia ana hoki ngā tuinga.



I te Pūtaiao, i te wā e whakamahia ana te reo ōkawa me te reo ā-kaupapa i tētahi pūrongo pūtaiao.



I ngā mahi Whakaari, i te wā e pānuitia ana, e whakaharataungia ana hoki ngā rerenga kōrero i tētahi tuinga mō tētahi whakaaturanga.

He pāngarau...



I ngā Toi Ataata, i te whakamahinga o ngā whakaatahanga, o ngā hurihanga, me ngā whakarahinga hei waihanga i tētahi hoahoa.



I te reo Pākehā, i te wā e whiriwhiria ana te tikanga o ngā tauanga i tētahi tuinga.



I te Hākinakina, i te wā e inea ana te tawhiti o tētahi reihi; e whakatau tatahia ana, e tātaihia ana hoki te tere o te kaioma.

Me pēhea tā te kaiako tautoko i a koe ki te whakawhanake i aua pūkenga?

Ki hea atu anō whakamahia ai te reo matatini me te pāngarau i te ao o ia rā, i te kura anō hoki?

Ko te Literacy and Numeracy i te ara o te NCEA

Me whakaatu ngā ākonga i ō rātou pūkenga matua o te pānui, o te tuhituhi me te pāngarau e whakawhiwhia ai ki tētahi tohu NCEA. He rite tonu te kīia o tēnei, ko te paerewa tautokorua o te Literacy and Numeracy i te NCEA.

Ahakoia e āhei ana tā te ākonga koke tonu i te ara o te NCEA, me mātua tutuki te paerewa tautokorua o te reo matatini me te pāngarau e whakawhiwhia ai rātou ki tētahi tohu NCEA i ngā kaupae katoa.

E āhei ana tā te ākonga whai kia tutuki taua paerewa i te wā ka kōwhiria e ia i te roanga o tana whai i te ara o te NCEA.

E āhei ana tā te ākonga whai kia tutuki taua paerewa i ngā wā maha i te roanga o tana whai i te ara o te NCEA.



I te roanga o te wā whakawhiti, i te 2024-2027, ka taea te whakatutuki te paerewa tautokorua o te Literacy and Numeracy o te NCEA mā te:

WHAKAOTI I NGĀ TŪMAHI AROMATAWAI PĀTAHI (CAAS) O TE LITERACY AND NUMERACY

- › Ka whakaritea e ngā kaiako aua aromatawai tuihono mā ngā ākonga.
- › E āhei ana tā ngā ākonga whakatutuki i aua aromatawai i ngā tau katoa, i te wā e rite ana rātou.

Or

WHAKATUTUKI I NGĀ WHIWHINGA 10 O TE REO MATATINI ME NGĀ WHIWHINGA 10 O TE PĀNGARAU I TĒTAHI RĀRANGI PAEREWĀ KUA WHAKAMANAHIA.

- › Kōrero atu ki tō kura mō ngā kōwhiringa paerewa e hāngai ana ki te reo matatini me te pāngarau e wātea ana ki reira.

- › *Kāore ngā whiwhinga o te paerewa tautokorua e kautehia hei whiwhinga mō tētahi atu wāhanga ako.*
- › *Atu i te tau 2028, ko ngā Tūmahi Aromatawai Pātahi (CAAs) anake te kōwhiringa mō te paerewa tautokorua reo Pākehā.*

E whakahaerehia ana Te Reo Matatini me te Pāngarau i ngā kura Māori me ētahi atu kura hei ara e tutuki ai te paerewa tautokorua o te NCEA. Whakaotihia ai aua aromatawai ki te reo Māori. Uia tō kura kia mōhiotia ai mēnā rānei he kōwhiringa tēnei kei te tukua e rātou.

He Āhuatanga Aromatawai Motuhake kua whakaritea mō ngā ākonga e hiahia ana ki ētahi tautoko atu anō e whai wāhi ai rātou ki te NCEA. Ehara i te mea me tuku tonu SAC ōkawa e whai tautoko ai te ākonga mō te paerewa tautokorua. He pārongo anō kei:

<https://www2.nzqa.govt.nz/ncea/ncea-for-teachers-and-schools/special-assessment-conditions/>



Me aha te ākonga me ngā whānau hei tautoko i te Literacy and Numeracy o te NCEA

Mēnā he pātai āu mō te āhua o te reo matatini me te pāngarau o te NCEA, kōrero ki tō kura me ngā kaiako.

Ka hiahia pea koe ki te tono pārongo mō:

- › Ngā ara hei whakapai ake i ō pūkenga i te literacy and numeracy
- › Ngā wāhanga ako o te NCEA kei reira rā te literacy and numeracy e noho ana
- › Te āhua o te aromatawaitia o te literacy and numeracy o te NCEA i tō kura
- › Ngā ara e tautoko ai ngā whānau i ngā ākonga e pā ana ki te literacy and numeracy o te NCEA

Kimihia ngā ara e whakawhanakehia ai ngā pūkenga o te reo matatini me te pāngarau i te kāinga

Mā te whakaharatau i te pānui, i te tuhituhi, i te whakamahi tau hoki i te kāinga koe e āwhina ki te whakapakari i aua pūkenga i te kura, i te ao o ia rā anō hoki.

E āhei ana tā te ākonga whakaharatau i ngā aromatawai tuihono

Nōu e whakaharatau ana i ngā aromatawai matihiko, he mea nui te mahi i tētahi pūrere hiko ka whakamahia e koe i te aromatawai. Ko ngā pūtirotiro o Google Chrome me Safari anake ngā mea ka whai hua nōu e whakaharatau ana i aua aromatawai. Me whai ki te whakamahi i tētahi rorohiko pōnaho.

Ki konei kitea ai te whai hua o tō pūrere hiko: [Digital exams device check » NZQA](#)

Me whakamahi koe i tō NSN (Tau Ākonga ā-Motu) e taea ai te whakaharatau ngā aromatawai matihiko o ngā tau ki muri. Pātai ki tō kura mō tērā nama.

Kāore koe e whai kupu arotake e pā ana ki ō tuhinga i aua aromatawai whakaharatau.



[Pāwhiria tēnei hononga ki te whakaharatau i te pūmanawa rorohiko mō te aromatawai matihiko i te paetukutuku a NZQA:](#)



[Pāwhiria tēnei hononga ki te whakaharatau i ngā aromatawai matihiko o ngā tau ki muri:](#)

He haerenga mutunga kore ngā akoranga o te Literacy and Numeracy kāore e mutu ki te aromatawai.

Kia kaha tō whai i ngā ara wātea hei ako, hei whakawhānui hoki i ō pūkenga i te ao mātauranga me te ao o ia rā.



Kia torona ai ētahi pārongo atu anō me ētahi kiriata mō te NCEA me ngā ara mō ngā whānau, tae atu ki ngā pārongo kei te reo Māori me ngā reo o ngā moutere o Te Moana-nui-a-Kiwa

E whai pārongo anō ai mō te NCEA me ōna āhuatanga:

- › [He awheawhe utu-kore mō te NCEA mā ngā ākonga Māori, mā ngā whānau Māori, me ngā hapori Māori](#)
- › [He awheawhe utu-kore mō te NCEA ma le Pasifika mā ngā ākonga, mā ngā whānau me ngā hapori nō ngā moutere o Te Moana-nui-a-Kiwa](#)

E whai pārongo anō ai mō ngā whakamātautau NCEA me ngā ara ki ngā umanga:

- › [Te tautoko i tō rangatahi ki te whakarite mō ngā whakamātautau o te NCEA](#)
- › [He pārongo mō te hautū i ngā ara: NZQA](#)

He papakupu:

Literacy: Te reo matatini | Literacy: Ko te pānui, ko te tuhituhi, ko te mārama hoki ki te reo me ōna tini mata.

Te pāngarau | Numeracy: Ko te mārama ki te whakamahi i te pāngarau me te tauanga i te maha o ngā horopaki rerekē me te whakawhiti kōrero mō aua āhuatanga ki te reo Māori.

Te paerewa tautokorua o te Literacy and Numeracy: Ko te whāinga paetae e pā ana ki te reo matatini me te pāngarau me mātua tutuki, e whakawhiwhia ai ki te ākonga tētahi tohu NCEA.

Te tohu NCEA: Ko te tohu ā-motu e matua ana mō ngā ākonga o te kura tuarua i Aotearoa.

Ngā paerewa o te NCEA: Ka whakaahua ngā paerewa o te NCEA i ngā āhuatanga me mātua mōhio e te ākonga, i ngā mahi rānei me oti e tutuki ai te paerewa. Mā te whakatutuki paerewa e whai whiwhinga ai te ākonga e riro ai tētahi tohu NCEA.

Ngā whiwhinga: Ka whai whiwhinga te ākonga ka tutuki ana tētahi paerewa. Whakakotahitia ai ngā whiwhinga i ngā hōtaka ako rerekē hei wāhanga mō te tapeke o tētahi tohu NCEA mō tētahi kaupae..

Te Tau Ākonga ā-Motu: He nama ahureinga ka tukuna e te Tāhuhu o te Mātauranga ki tēnā, ki tēnā o ngā ākonga.

